



Broj: 22-04-44-1-266/18
Sarajevo, 24.09.2018. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i članom 24. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 8/07) dostavljamo Vam:

REDOVNI IZVJEŠTAJ
za period od 07:00 sati 21.09.2018. do 07:00 sati 24.09.2018. godine

Dana 21.09.2018.godine Kantonalni operativni centar civilne zaštite primio je zahtjev od OpSI CZ Hadžići za izvlačenje traktora iz miniranog područja, koji je prije izvjesnog vremena ostao prilikom nesreće u minskom polju.

Informacija o navedenom zahtjevu prenesena je Federalnoj upravi civilne zaštite, koja je odmah poduzela aktivnosti i angažovala timove na izvlačenju traktora. Tom prilikom je pronađena jedna protivpješadijska mina koja je takođe uklonjena. Akcija je uspješno završena u 14:47 sati.

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to:

- dana, 22.09.2018. godine u 15:25 sati od PS Ilidža, da su u ulici Derviš-paše Bajezidagića, pronađene tri ručne bombe.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedeno neeksplozivno ubojno sredstvo preuzeti u narednom periodu i izvjestiti nas o preuzimanju istog.



Profesionalna vatrogasna jedinica Kantonalne uprave civilne zaštite Kantona Sarajevo:

U izvještajnom periodu pripadnici Profesionalne vatrogasne jedinice imali su 14 manjih intervencija i to: šest na gašenju zapaljenog smeća u kontejnerima, jednu na gašenju zapaljenog dimnjaka, jedna na gašenju zapaljenog električnog stuba, dvije tehničke intervencije na otvaranju vrata u stanovima, i četiri obezbjeđenja (vatromet, predizborni skup i sportski događaji).

Napomena: U protekla 24 sata pripadnici Profesionalne vatrogasne jedinice imali su šest manjih intervencija i to: dva na obezbjeđenju (sportski događaji) i četiri na gašenju zapaljenih kontejnera sa smećem.

Iz općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskim postrojenjima.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila 19°C, vlažnost zraka 53%, barometarski pritisak 941,5 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije Bi H i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1